

## **CAMPO A TRAVÉS - FASE LOCAL**

### **POLÍGONO INDUSTRIAL DE BÉRTOA (CARBALLO) - venres 29/11/2019**

**ORGANIZAN:** Secretaría Xeral para o Deporte, o Concello de Carballo e a Federación Galega de Atletismo.

#### **PARTICIPANTES**

No campo a través poderán participar todos os clubs, centros de ensino, asociacións, ANPAS etc. que cumpran os requisitos da inscrición no programa XOGADE.

#### **CATEGORÍAS**

**BENXAMÍN:** nados nos anos 2012-2011 masculino e feminino.

**ALEVÍN.....:** nados nos anos 2010-2009 masculino e feminino.

**INFANTIL.:** nados nos anos 2008-2007 masculino e feminino.

**CADETE.....:** nados nos anos 2006-2005 masculino e feminino.

#### **OBXECTIVOS XERAIS**

- Fomentar unha práctica deportiva, educativa e saudable.
- Difundir os valores da competición dende unha perspectiva máis regrada.
- Facilitar a práctica nunha modalidade de gran tradición histórica en Galicia.

#### **SISTEMA DE COMPETICIÓN FASE LOCAL**

Cada centro, club ou entidade deportiva poderá participar nesta primeira fase co número de equipos que o desexen en cada categoría, sempre que a súa nomenclatura os diferencie. Nesta fase local cada equipo pode estar composto por 6 ou máis atletas.

Cada entidade deberá participar na súa zona correspondente, agás en casos excepcionais nos que a participación sexa tan escasa que, a petición das propias entidades, a Secretaría Xeral para o Deporte poderá reorganizar as propias zonas, previa proposta do servizo provincial correspondente.

Todos os participantes e adestradores terán que estar de alta na aplicación informática do programa Xogade, programa de modalidade actividade deportiva escolar, na modalidade de Campo a Través.

#### **LUGAR E DATA**

Polígono Industrial de Bértoa (Carballo). Venres, 29 novembro de 2019.

#### **INSCRICIÓN**

Os atletas participantes nesta Fase Local de Campo a Través Escolar deberán estar dados de alta no programa Xogade **antes das 14 horas do venres día 22 de novembro do 2019.** Unha vez rematado o antedito prazo, o Servizo de Deporte

da Coruña tramitará a inscrición para a proba, tomando como base as altas feitas por cada colexio no programa, polo cal é necesario que antes de que remate o prazo arriba reflectido, indiques a este Servizo de Deporte os/as atletas que aínda estando inscritos en Xogade, e por calquera circunstancia, non van a participar na proba.

### COMPOSICIÓN DOS EQUIPOS

Cada equipo estará formado por un mínimo de seis corredores/as, dos/as que puntuarán os/as catro mellor clasificados/as ou tres (só na categoría cadete). Non se poderá completar un equipo con atletas de categorías inferiores.

### CLASIFICACIÓNS

Estableceranse dúas clasificacións:

- Individual. Segundo a orde de entrada na meta.
- Por equipos. A puntuación dos equipos resultará da suma dos puntos obtidos polos 4/3 atletas mellor clasificados de cada equipo, e gañará o equipo que menos puntos sume. No caso de producirse un empate entre 2 ou máis equipos, resolverase a favor do equipo no que obtivera a mellor clasificación o último dos seus corredores que puntúe. Aqueles equipos que non cheguen á meta cos 4 ou, se é o caso, 3 atletas dos que puntúan, non puntuarán como equipo.

Para o Campionato Intercomarcal clasificaranse os dous mellores equipos e os/as oito primeiros/as atletas de cada categoría.

### HORARIO

10:00 - Retirada de dorsais

Hora	Categoría	Distancia aprox.	Voltas
10.15	Cadete mas.	2400 m	4 voltas
10.30	Cadete fem.	1200 m	2 voltas
10.45	Infantil mas.	1200 m	2 voltas
11.00	Infantil fem.	1000 m	2 voltas con Saída 200 m adiantada
11.15	Alevín mas.	1000 m	2 voltas con Saída 200 m adiantada
11.30	Alevín fem.	800 m	2 voltas con Saída 400 m adiantada
11.45	Benxamín mas.	600 m	1 volta
12.00	Benxamín fem.	500 m	1 volta

## CIRCUITO FASE LOCAL CAMPO A TRAVÉS ESCOLAR.

Vénres, 29 de novembro do 2019. Polígono de Bertoa (Carballo)

A proba celebrarase nun circuito de unha volta de 600 metros habilitado no interior do Campo de Fútbol Municipal das Eiroas, sito no mesmo Polígono de Bertoa.

**NOTA:** "Se os organizadores así o deciden, en función do estado do circuito e das condicións meteorolóxicas, poderase celebrar a proba no circuito exterior sobre herba natural e pista de terra, sito no mesmo Polígono de Bertoa, cas mesmas distancias."

## TRANSPORTE

No caso de necesitar transporte para participar nesta proba poderase solicitar, **ata as 14.00 horas do venres 22 de novembro do 2019**, ao Servizo Provincial de Deporte, ao correo especial de transporte: [sdbus.co@hotmail.es](mailto:sdbus.co@hotmail.es), empregando para iso o **formulario** que se adxunta a esta normativa.

Unha vez recibida a solicitude o Servizo Provincial de Deporte outorgará o transporte, nos casos en que o estime posible dentro das limitacións da contratación, e informará á entidade solicitante.

**Non se xestionará ningún transporte se a solicitude é posterior á data arriba indicada.**

## DATAS PRÓXIMAS XORNADAS E LUGAR DE CELEBRACIÓN PREVISTAS

Xornada Campo a Traves: 30 de novembro/2019 en Mondego (Sada)

Proba Carballo.....: 29 de novembro/2019 no Polígono Bértoa

Proba As Mariñas.....: 10 de xaneiro/2020 en Acea da Ma

Intercomarcal.....: 18 de xaneiro/2020 en Menhíres (A Coruña)

Provincial.....: 1 de febreiro/2020 na Pobra do Caramiñal

Fase Galega.....: 15 de febreiro/2020 provincia Pontevedra (sede por determinar)

Provincial centros educativos: 6 de marzo/2020 en Carballo

Campionato España.....: 15 de marzo/2020 (sede por determinar)

## SEGURO

Toda a documentación referente á cobertura do seguro está dispoñible no programa Xogade, na páxina web [www.deporteescolargalego.com](http://www.deporteescolargalego.com). Nesta páxina o acceso ao protocolo de actuación e á poliza do seguro é aberto.

Lembren que todo o corpo técnico, deportistas e familiares deben coñecer o protocolo de actuación do seguro de accidente deportivo.

Adxuntamos a esta normativa un esquema co protocolo de actuación en caso de lesión.

### OUTRAS NORMAS

Todos os aspectos non recollidos nesta norma e na normativa específica de campo a través da actividade deportiva escolar, serán regulados pola normativa oficial da Federación Galega de Atletismo, que pode consultarse na páxina web da federación: <https://atletismo.gal/>

 Xogade